

Allegadu "A"

# PROVÌNTZIA DE ARISTANIS



## REGULAMENTU PRO SU MANÌGIU DE S'ISTEMMA DE SA PROVÌNTZIA DE ARISTANIS

Aprovadu cun delìbera de su Consìgiu Provintziale n. 2 de su 12/01/2012

Su Segretàriu Generale  
Dot. Luigi Mele

Art. 1  
Titulariedade

- 1) Totu is deretos chi pertocant su manìgiu de s'istemma sunt de propiedadde de sa Provìntzia feti e de nisciunu àteru.
- 2) S'istemma dd'ant autorizadu cun Decretu de su Presidente de sa Repùblica de su 10.9.1982.
- 3) Sa Provìntzia de Aristanis amparat s'istemma suo dae is trastocos e mudaduras, pighende totu is atziones chi serbint.

Art. 2  
Descrizione de s'istemma

- 1) Sa rappresentazione de s'istemma cun sa descrizione e is datos tènicos printzipales sunt in su documentu allegadu A), chi intrat a fàghere parte in totu de custu disciplinare.

Art. 3  
Manìgiu de s'istemma a intro de s'Amministrazione

- 1) Is Servìtzios e is Ufìtzios de s'Amministrazione Provìntziale de Aristanis depent manigiare s'istemma de s'Istituzione in totu is suportos de «corporate image» (paperi de lìteras, modulistica e imprentas de ònnia ratza, publicatziones, sinnalètica, mustras, ogetistica de ònnia ratza e totu cussu chi est de identidade visiva de s'Istituzione) chi si faghent a intro o chi faghent frunidores de foras.
- 2) Is Servìtzios de sa Provìntzia, in is setores de cumpetèntzia sua, autorizant e rèvocant a manigiare s'istemma de s'Istituzione a is frunidores de foras asseguende-nde su manìgiu currègidu.
- 3) Sarvu autorizazione a àteru tìtulu (eventos fatos a pare cun sa Provìntzia de Aristanis o chi apant ritzidu su patrotzìniu de sa Provìntzia de Aristanis), is Consigeris a solos e is Grupos de consìgiu podent manigiare s'istemma de s'Istituzione in sa versione normale (e non a sicu). Is Consigeris e is Grupos de consìgiu chi manigiant s'istemma de sa Provìntzia depent respetare is règulas de impreu inditadas e no a assotziare s'identidade de s'Istituzione, chi nde essit dae s'impreu etotu de s'istemma, a messàgios chi no deghent a s'imàgine de sa Provìntzia de Aristanis.

Art. 4  
Manìgiu de s'istemma dae parte de suetos de foras

- 1) Su manìgiu de s'istemma dae parte de suetos de foras non faghet.
- 2) Acontessende cuntzessione a unu suetu pùblicu o privadu de sustènniu morale, patrotzìniu o finanziàriu, o s'impreu de salas de is palatzos de sa Provìntzia de Aristanis, su Presidente de sa Provìntzia podet autorizare, cun rechesta, su manìgiu de s'istemma de s'istituzione pro mesu de is ufìtzios de cumpetèntzia. De sa cuntzessione de su patrotzìniu tocat de nde donare comente si depet publitzidade cun s'iscrita: "Patrotzìniu de s'Amministrazione Provìntziale de Aristanis".
- 3) Su suetu autorizadu a manigiare s'istemma nde depet donare visibilitade giusta in su materiale promotzionale, torrende-ddu segundu a su modu chi donat sa Provìntzia de Aristanis.

- 4) Su manìgiu tocat chi siat semper e feti acapiadu a s'inniziativa spetzifica e feti pro su tempus pedidu.
- 5) S'autorizzazione non si cuntzedit pro punnas cummertziales, non donat deretu de esclusiva peruna e non permitit nemancu de si nde impossessare de unu istemma sìmbile.
- 6) Cando ddoe est sa cuntzessione de unu contributu econòmicu a unu sugetu pùblicu o privadu, su beneficiariu de cussu etotu depet manigiare s'istemma de sa Provìntzia pro pònnere a craru ca s'inniziativa s'est fata cun contributu econòmicu de s'Amministrazione Provìntziale. Acontessende de non fàghere aici, su dirigente, chi pertocat de borta in borta, disponet sa rèveoca de su contributu.
- 7) Sa reproduzione o su manìgiu de s'istemma segundu maneras diferentes dae cussos inditados in custu Regulamentu portat a sa rèveoca, cun efetu deretu de su manìgiu de s'istemma.
- 8) Cale si siat àtera rechesta a tìtulu diferente de su manìgiu de su marcu de sa Provìntzia de Aristanis dae parte de sugetos de foras s'at a dèpere intregare a s'Ufitziu de sa Giunta e s'at a balutare feti cando torrat paris a is crìterios de valorizzazione de s'imàgine de s'Istituzione.

#### Art. 5

##### Manìgiu de s'istemma in Internet

- 1) Su collegamentu dae parte de àteros sitos a su situ de sa Provìntzia faghet feti impreende sa denominazione Provìntzia de Aristanis semper chi is sitos chi òspitant non si pòngiant a frunire argumentos illegales, infamadores, trasseris o comente si siat chi noghet a is deretos de àteros, chi sunt contras a sa lege e/o a regulamentos.
- 2) Est proibbidu a pònnere pàginas de su situ de sa Provìntzia de Aristanis a intro de s'istruutura de su situ chi òspitat (aici narant «framing»).
- 3) Su manìgiu de s'istemma de sa Provìntzia de Aristanis comente a collegamentu, aici etotu comente ònnia reproduzione de àteras partes de su situ in àteros sitos, tocat a dd'autorizare aposta segundu sa protzedura chi est in s'art. 4, comma 8, sarvu chi non siant is amministrazioni pùblicas a ativare su collegamentu.
- 4) In sa reproduzione de s'istemma tocat semper a lassare foras cunfusione e/o assotziationes cun àteros istemmas, nòmenes, istendardos, indiritzos IP, nòmenes de domìniu e/o deretos de proprietade intelletuale o industriale de àteros.
- 5) In ònnia modu su fatu de ddoe àere su marcu non faghet responsàbile sa Provìntzia de Aristanis de is argumentos e de is servìtzios chi donat su situ chi òspitat.
- 6) Sa Provìntzia de Aristanis si pigat sa facultade de mudare su situ suo cando bolet e a discretzione sua, sena òbligu perunu de ddu faghet ischire a is sitos chi ant ativadu su collegamentu.

## Art. 6

### Responsabilidade chi nde arribat de su manìgiu de s'istemma

- 1) Acontessende responsabilidades de natura tzivile, penale o fiscale pro àere manigiadu s'istemma, cussas sunt feti a càrrigu de su sugetu de foras, chi at a lassare sarva sa Provìntzia de Aristanis de ònnia responsabilidade.

## Art. 7

### Vigilàntzia a pitzu de s'istemma

- 1) Totu sa vigilàntzia a pitzu de su manìgiu giustu de su marcu dda faghet su Segretàriu generale de sa Provìntzia de Aristanis, pro mesu de su Servìtziu de Presidèntzia de sa Giunta e de sa comunicatzione istituzionale.
- 2) Is istruturas de sa Provìntzia de Aristanis chi tenint sa cumpetèntzia pro matèria podent:
  - pregontare semper novas e crarimentos a pitzu de s'istemma;
  - fàghere controllos, in deretura pro mesu de funtzionàrios de s'Amministratzione o pro mesu de àteros, pro apurare su manìgiu giustu de s'istemma;
  - donare a s'interessadu unu tèrmine cando ddoe at regularizatzione.

Cun s'inditu de su Segretàriu Generale, s'Ufitziu pro is afàrios legales incarrelat atziones giuditziàrias aposta pro fàghere acabbare, cando abisòngiat, su manìgiu e sa reproduzione de s'istemma, e simmai pro si fàghere pagare is dannos pro manìgios iscurrègidos o chi non sunt autorizados.